


Ebaibuli kanuka idwe eyangaunit

Atwanare ka Ajarun nasodit



Ekewadikan erai: Edward Hughes
Eketacaunan erai: Janie Forest
Loitapatanit erai: Lyn Doerksen
Ekejulan erai: Pastor Robert Ewangu
Eketolomunan erai: Bible for Children
www.M1914.org


BFC
PO Box 3
Winnipeg, MB R3C 2G1
Canada

©2012 Bible for Children, Inc.


Apedor: icamakinitai jo aitolomun akiro nu,
aria mam jo itolomuni kes kanuka aitwegel itunga.

1

Ojai aberu aibwo aboisit
najai acelet loapol,
koseseni iboro lumam
ajokuka kakonyeneke.
Okokuke etwani.
Toto nges Mariam,
ebwoi aboisit na
ajaas itunga
aibubuikin
Yesu toma.



2



Oipone bo ani apotu nu iswamaunotor? Ikwaikini ai Yesu engetakini akeijar koipone kangol? Ikwaikini ai Edeke ecamakini Okokuke aibubuikinio toma omusalaba, kosodi atwanikin toma? Abu Yesu kodiakarite kanu nges acamun araun nges? Edeke apotu akiro kipikosi?


3



Mam! Mam akiro apotu kipikosi Edeke. Yesu da mam adiakarit. Ajeni Yesu ebe, ebusakinit nges aititingikinio akanin nuka ikadiakanarak. Kotoma apak na araar Yesu ikoku abu Simeon kolimok Mariam akiro nuabeit atakanikin Yesu.


4

Kosalito apaarasia adis kanuka Yesu aario, kobu aceberu kinyonyoik nges akinyet akejeke. Kotemasi ikesisiak ebe, ejaas luican kaoni, "konye ejai aberu na aicacan ikapun" konye kobongok Yesu ebe, keswama aberu na ejok, naarai ketemonoki akakuan kanuka aidaaio. Itegelikina bo lolo akiro nu biai!




5

Akaulo kangun, Yuda, ediopet kosisiak itomonkaluarei, abu kocam abilakin Yesu ebotet agwelar nges mama ejaas isasedotin lupeti kanu arupian 30 luka siliba.



6



Kotoma opucit lokaleleng loka Iyudayan, kosodi Yesu aitemonokin epucit loawasia ka ikesisikake. Kisisianak kes nuebalas nuiwadikaere kanuka asumuneta nuka Edeke mama ejaas ngul lueminasi nges. Kosodi Yesu kolek emugati ka akoli koinak kes komorata. Arai na aisitikinet ebe, akuan naka Yesu ebusakinit ainakinio araut asubanit naeyauni aisionio naka adiakanaareta.

7

Kolimok Yesu ikepaper ebe, abait abilakin nges ebotet, ido ice kakesi epote akerit awai. Kobongok Petero ebe, "mam eong akeri" kobongok Yesu ebe, eringa ekokor eruikina ingeri eong irwan auni.




8



Kotoma akuare kangin, kolot Yesu Getesemane ailip. Ikesisiak lujaas kanges kojotoros. Kilip Yesu ... Papa arai kepedoros kenac akoli na; konye mere nuakoto eong, dimarai kwape ikotor ijo.

9

Napinera, kobu Yuda koupas kekodet loepol. Mam Yesu abu kitepeg, konye Petero abu kisieb akit naka etunganan ediopet. Konye Yesu abu kolek akit ngin kosodi ainyakakin. Ajeni Yesu ebe, aikamunioke ajai toma ainapeta nuka Edeke.



10

Koyanga ekodet nges togo loka esasedoti lopeti. Kitogogongoto ingarenok luka Iyudayan ebe, ibusakinit nges aario. Kojai Petero kiboie kokinga kotoma alaro koseseni nueswamas.




11

Apotu itunga inerata mama ejai Petero irwan auni, "kobalasi ebe, ijai ijo da ka Yesu!" konye abu Petero konger irwan auni, kwape abalar Yesu. Abu Petero iyapo ka aikenokin.




12

Ekokor-kokoliro kook



Atipet noi, koruikini ekokor. Arai eporoto loka Edeke mama ejai Petero. Kiit Petero akiro nuka Yesu, komony noi.

13




Kiit Yuda, da. Abu ngesi kojenu ebe, mam Yesu adiakarit. Abu Yuda kinyaka arupian 30 nuka siliba, konye mam isesedotin apotu kocamutu. Abu Yuda ocaka arupian kwap, kosodi alosit, komiedakin.

14




Koyangautu isasedotin Yesu
mama ejai Pilato, ekayaiton loka
Roma. Kotema Pilato atiar, "mam
eong adumunit adio kirot naronon
naiswamat etunganan
lo. Konye kiyatakis
aiworo noi ebe,
kibubukinoi."

15



Kocam Pilato, kotubok
ngesi Yesu atwanare. Apotu
kodata Yesu, kimuinikisi nges
amul, kojeata aboko naka
ikukwa, kitanapikis akouke.
Kibubuikis nges omusalaba.

16



Ajeni Yesu ebe, ebusakinit nges atwanare koipone
kongol. Ajeni ngesi jokan ebe, ebuni atwanareke
ayangaun aisionio naka adiaakanareta naka itunga kalu
emunokinos nges. Aponi kibubuikinoi
ikangatak iare nepepe ka
nges, ediopet kakanike
nakoteten, ka ediopet da
kakanike nakokediany.
Abu ediope kakesi
kiyuu Yesu-kosodi
ajaun Paradais.

17



Akaulo na isawan
luaibubuikinio, abu
Yesu kotema ebe,
"Angetakinos"
kijaik ekemoyo.
Kitodolik
akeswam.

Apotu
ipaper
koyangasi
akekuan
konukikisi ates
naitetet.

18



Apotu isirikale luka
Roma korapakisi ates
kosodete aidar.
Amamei yen
apedori Alomar
arai alomun
kinga.

19



Korai na orai awasia naka
akiro kanu, abeit ajar
etionor noi. Konye
abu Edeke iswamau
akiro nakaumokin.
Mam Yesu abu
asalak ates.

20

Tupuruc sek, apaaran nasodit nakasabato, apotu ice kotoma osisiak ka Yesu kodumutu amour ikokororitai awai kates. Keseseneta toma naka ates apotu kodumutu abe, kemamei akekuan kotoma.




21

Adiope beru, abu kosalak emonyi kates. Abu Yesu kitaanyikin nges! Kobongo ngesi kaiyalama kitejenik ikesisiak luce da. "EJARI YESU! AJARU YESU OKATWAK!"



22

Kotakanikin Yesu mama ejaas ikesisiak, kosodi aitodikin kes akekanin. Arai abeit. AJARUNIT YESU! Abu itim Petero kanuka ainger nges, kosodi alimokin ikesisiak ebe, kitejenikisi itunga kere kanuke. Kosodi abongor toma akuj neabunitor ngesi.



23

Atwanare ka Ajarun nasodit

Awaragan na elomunit kanejai akirot naka Edeke, Ebaibuli,

edumunio kotoma

Matayo 26-28, Luka 22-24, Yokana 13-21

"Naengarotor akonikiro itacaikinete."
Isabulin 119:130

24

Awasia

54

60

25

Awaragan nakoBaibuli na ilimokini oni akiro nuikamunito Edekewok lokaumokin lokisubi oni ido loekoto ijo ajenun nges.

Ejeni Edeke ebe iswama oni iboro luarokok, luenyarit ngesi adiakar. Eropit loka adiakar nges atwanare, konye emina Edeke jo noi, abu ijuk okokuke loteluna, Yesu, atwanare omusalaba ka aiticanio kanuka arokisiokon. Abu Yesu ojaru okatwak kosodi adokar toma akuj! Aria iyuu jo Yesu kosodi ailip nges aitim adikanaretakon, ebuni Ngesi aswam ngun! Ebuni ngesi aiboi tomakon, ido ibuni jo aiboi ka nges ikar kere.

Aria iyunit jo ebe erai na abeit, olim akiro nu mama ejei Edeke: Yesu lominat, eyuunit eong ebe irai ijo Edeke, obu oraun etunganan tetere itwani kanuka aronisika, ido kwana ijari jo, elipit olom toma otauka kosodi aitim numam adoliteka, tetere eong adumuni ajar nakitetet kwana, kasodi eong adiope paraan alosit aiboi ka jo ikar kere. Ingarakinai eong arimarit ijo ka ajarenen kanukon kwape ikonikoku. Amen.

Kosiomenenei Ebaibuli ka ainerenena ke Edeke nginiparaan Yokana 3:16

26